



UNIVERZITET U SARAJEVU
AKADEMIJA LIKOVNIH UMJETNOSTI
Obala Maka Dizdara 3

Broj: 03-086.3/23
Sarajevo, 14.03.2023. godine

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22), člana 104. Statuta Univerziteta u Sarajevu i Pravila studiranja za prvi, drugi ciklus studija, integrirani, stručni i specijalistički studij na Univerzitetu u Sarajevu, Vijeće Univerziteta u Sarajevu – Akademije likovnih umjetnosti je na 66. elektronskoj sjednici održanoj 14.03.2023. godine donijelo

ODLUKU

o kriterijima za bodovanje kandidata na prijemnom ispitu
za upis na II (drugi) ciklus studija
na Akademiji likovnih umjetnosti u Sarajevu u studijskoj 2023/2024. godini

Član 1.

Pravo učešća na Konkursu, pod jednakim uslovima, imaju državljani Bosne i Hercegovine i strani državljani sa završenim prvim ciklusom studija Akademije likovnih umjetnosti ili srodnog fakulteta, koji se vrednuje sa najmanje 240(E)CTS studijskih bodova, kao i kandidati koji su završili studij po predbolonjskim nastavnim planovima i programima u Bosni i Hercegovini, kao i kandidati koji su prvi ciklus, odnosno predbolonjski studij završili izvan Bosne i Hercegovine, a za koje je nakon postupka nostrifikacije odnosno ekvivalencije utvrđeno da imaju završeno adekvatno obrazovanje za nastavak školovanja.

Član 2.

Na studijskim programima Slikarstvo, Kiparstvo, Grafika, Grafički dizajn, Produkt dizajn i Fotografija rangiranje kandidata se vrši na osnovu bodova koje kandidat ostvari na prijemnom ispitu.

Na Nastavničkom odsjeku rangiranje kandidata vrši se u zavisnosti od općeg uspjeha ostvarenog na I ciklusu studija ili VII stepenu predbolonjskog nastavnog plana i programa.



Član 3.

Ocjenjvanje kandidata na prijemnom ispitu vrše komisije koje imenuje Vijeće iz reda predmetnih nastavnika.

Član 4.

Na prijemnom ispitu kandidati ostvaruju bodove po osnovu pokazanih rezultata iz sljedećih disciplina:

1. Bodovi - uspjeh prethodnog studija:

Prosjek ocjena	Bodovi
do 7	0
7,0 - 7,9	2
8,0 – 8,5	4
8,6 – 9,4	6
9,5 – 10	8

2. Bodovi - ocjena priloženih radova

- najmanje 10 vlastitih radova iz oblasti na koju se kandidat prijavljuje

Za upis na fotografiju:

1. autorski tematski ciklus od 8-12 radova koji reprezentativno predstavlja kreativno djelovanje kandidata.
2. maketu fotografske publikacije (knjige) na slobodno odabranu tematsku cjelinu, (obim: 16-24 stranice).
3. set od 8-20 fotografija različitog i slobodnog tematskog sadržaja (fotografije koje se razlikuju od fotografija predanih u prethodnom setu - tačka 1 i 2).

Bodovi za ocjenu priloženih radova izražavaju se prema utvrđenoj skali:

Ocjena priloženih radova - ocjena	Bodovi
5	0
6	2
7	4
8	6
9	7
10	8



3. Bodovi - usmeno obrazloženje predložene teme (na osnovu *Prijedloga teme individualnog istraživačkog rada za II ciklus studija*)

Bodovi za usmeno obrazloženje teme izražavaju se prema utvrđenoj skali:

Obrazloženje predložene teme - ocjena	Bodovi
5	0
6	2
7	4
8	6
9	7
10	8

Član 5.

Kandidat na prijemnom ispitu može ostvariti ukupno 24 boda.

U izbor ne mogu ući kandidati koji na prijemnom ispitu nisu ostvarili **najmanje 14 bodova**, odnosno oni kandidati koji su iz jednog ili više zadataka dobili ocjenu 5 (pet), odnosno 0 (nula) bodova.

Član 6.

Rang listu kandidata komisije sačinjavaju na osnovu popunjenog formulara „*Ispitni list*“, za svakog kandidata pojedinačno, a zatim za svaku oblast zbirno.

Rang lista, sa priloženim *Ispitnim listovima* dostavlja se Komisiji za verifikaciju, koja ostvarene bodove unosi u informacioni sistema eUNSA, na temelju čega se formiraju rang liste.

Koordinator rada komisija je prodekan za nastavu.

Prodekan, zajedno sa predsjednicima i članovima komisija, utvrđuje oblik i sadržaj „*Ispitnog lista*“ i dogovara ujednačenost kriterija za ocjene radova, kao i okvirni tekst pitanja za obavljanje razgovora sa kandidatima.

Član 7.

Komisije bodove unose putem informacionog sistema eUNSA najkasnije dva dana od dana završetka prijemnog ispita.

Član 8.

Preliminarna rang lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici Akademije (pod šifrom koju su kandidati dobili prilikom registracije) nakon što je verificira Komisija, najkasnije dva dana od posljednjeg dana prijemnog ispita.



Član 9.

Na preliminarnu rang-listu kandidati imaju pravo prigovora u roku od tri dana od dana objave iste, o kojoj je Vijeće Akademije obavezno donijeti odluku u roku od tri dana. Odluka Vijeća po prigovoru je konačna.

Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru. U slučaju uvaženog prigovora koji utiče na rangiranje kandidata unutar odobrene kvote, kvota se proširuje za broj kandidata kojima su uvaženi prigovori.

Član 10.

Konačna rang lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici Akademije.

Član 11.

Dokument *Prijedlog teme individualnog istraživačkog rada za II ciklus studija* je sastavni dio ove Odluke.

Član 12.

Ova odluka stupa na snagu danom donošenja.

D e k a n

Prof. dr. Dubravka Pozderac - Lejlić

Dostaviti:

- web stranica ALU
- Sekretarka ALU
- Služba za nastavu i studentska pitanja
- arhiva- protokol



Univerzitet u Sarajevu
University of Sarajevo



Akademija likovnih umjetnosti
Academy of Fine Arts

Broj: 03-086.3.1/23
Sarajevo, 14.03.2023. godine

Predmet: Stručno mišljenje

Prijedlog odluke o o kriterijima za bodovanje kandidata na prijemnom ispitu za upis na II (drugi) ciklus studija na Akademiji likovnih umjetnosti u Sarajevu u studijskoj 2023/2024. godini, nije u suprotnosti sa odredbama Zakona o visokom obrazovanju KS i odredbama Statuta Univerziteta u Sarajevu.

Sekretar
Elma Đozo, dipl. pravnik



Univerzitet u Sarajevu
University of Sarajevo



Akademija likovnih umjetnosti
Academy of Fine Arts

UNIVERZITET U SARAJEVU
AKADEMIJA LIKOVNIH UMJETNOSTI

Akadska 2023/2024.g

Prezime i ime : _____

Predmet: *Prijedlog teme individualnog istraživačkog rada za II ciklus studija*

Matična oblast: _____

Prijedlog mentora: _____

Naziv teme /prijedlog/:

Obrazloženje teme (od 300 do 500 riječi):

Datum:

Podnosilac prijave
